

**KOORDINACIJA SINDIKATA KOJI PRIMAJU PLAĆU IZ BUDŽETA KANTONA  
SARAJEVO UPUTILA VLADI KANTONA SARAJEVO PONOVI POZIV ZA  
OTVARANJE PREGOVORA OKO UTVRĐIVANJE OSNOVICE ZA OBRAČUN PLAĆA U  
2022.GODINI**

Koordinacija sindikata koji primaju plaću iz budžeta Kantona Sarajevo je dana 22.11.2021.godine, na osnovu zakona i kolektivnih ugovora po drugi put podnijela zahtjev Vladi Kantona Sarajevo za organizovanje pregovora oko definisanja osnovice za obračun plaća za sve radnike koji primaju plaću iz budžeta Kantona Sarajevo za budžetsku 2022.godinu.

Ovlašteni predstavnici reprezentativnih Sindikata traže da se održi zajednički sastanak u roku od tri dana na kojem bi otvorili pregovarački proces za utvrđivanje osnovice za obračun plaće za budžetsku 2022.godinu. Koordinacioni odbor neće čekati najavu Vlade da će sa Sindikatima razgovarati 22. decembra 2021.godine.

Zatraženo je poštivanje zakonskih i ugovornih obaveza o otvaranju pregovora sa Sindikatima oko definisanja osnovice za obračun plaća, te da se pregovori započnu prije nego što na zasjedanju Skupštine Kantona Sarajevo bude na dnevnom redu tačka Nacrt Budžeta Kantona Sarajevo za 2022.godinu. Ukoliko se pregovori ne otvore Sindikati skreću pažnju Vladi i Skupštini Kantona Sarajevo da neće prihvatiti politiku svršenog čina oko utvrđivanja osnovice za obračun plaća, nego će poduzeti sve zakonske mjere i aktivnosti da Sindikat ostvari svoju pregovaračku funkciju. Koordinacija Sindikata najavila je da će na dan zasjedanja Skupštine Kantona Sarajevo provesti 30.11.2021.godine sindikalne mjere i akcije i to:

1. Organizovanje protestnog okupljanja pred zgradom Skupštine Kantona Sarajevo.
2. Štrajk upozorenja.

Ako ove akcije i mjere sindikata ne budu dovoljan povod da se nastali problem riješi dogovorom, Koordinacija sindikata će poduzeti i radikalnije mjere i aktivnosti u ostvarivanju interesa svog članstva, a to je generalni štrajk u granama sindikata koji čini Koordinaciju i organizovanje višednevnih i višesatnih protesta.

U zahtjevu je navedeno da se sindikati nadaju da će se u najskorije vrijeme ozbiljno i argumentovano otvoriti pregovori oko utvrđivanja osnovice za obračun plaće za 2022.godinu.